



EOC
EUROASIAN
ONLINE
CONFERENCES

SPAIN CONFERENCE

**INTERNATIONAL CONFERENCE ON
SUPPORT OF MODERN SCIENCE AND
INNOVATION**



Google Scholar

zenodo

OpenAIRE

doi • digital object
identifier

eoconf.com - from 2024




INTERNATIONAL CONFERENCE ON SUPPORT OF MODERN SCIENCE AND INNOVATION: a collection scientific works of the International scientific conference – Madrid, Spain, 2026, Issue 1.

Languages of publication: Uzbek, English, Russian, German, Italian, Spanish,

The collection consists of scientific research of scientists, graduate students and students who took part in the International Scientific online conference «**INTERNATIONAL CONFERENCE ON SUPPORT OF MODERN SCIENCE AND INNOVATION**». Which took place in Spain, 2026.

Conference proceedings are recommended for scientists and teachers in higher education establishments. They can be used in education, including the process of post - graduate teaching, preparation for obtain bachelors' and masters' degrees. The review of all articles was accomplished by experts, materials are according to authors copyright. The authors are responsible for content, researches results and errors.





Zamonaviy buxgalteriya dasturlarida ish haqi hisobini yuritishning afzalliklari

Nasriddinova Ravshanoy g'ayratjon qizi

Andijon Davlat Texnika Instituti

„Buxgalteriya hisobi va audit” yoʻnalishi 4-kurs talabasi

Annotatsiya. Ushbu tezis zamonaviy buxgalteriya dasturlarida ish haqi hisobini yuritishning afzalliklarini tahlil qiladi. Raqamli texnologiyalar ish haqi jarayonlarini avtomatlashtirish, xatoliklarni kamaytirish, qonunchilik talablariga moslashish, moliyaviy xavfsizlikni taʼminlash va xodimlar bilan shaffof aloqalarni osonlashtirish imkonini beradi. Shuningdek, maqolada boshqaruv qarorlarini qoʻllab-quvvatlash, budget rejalashtirish va korxona samaradorligini oshirishdagi raqamli buxgalteriya tizimlarining roli koʻrsatib oʻtilgan. Tadqiqot natijalari shuni koʻrsatadiki, ish haqi dasturlari biznes jarayonlarini soddalashtirish va raqamli transformatsiyani amalga oshirishda muhim vosita hisoblanadi.

Kalit soʻzlar: zamonaviy buxgalteriya dasturlari, ish haqi hisobini avtomatlashtirish, moliyaviy xavfsizlik, qonunchilikka moslashuv, bulutli texnologiyalar, zamonaviy texnologiyalar, samaradorlik, innovatsion texnologiyalar

Kirish. Bugungi kunda raqamli texnologiyalarning jadal rivojlanishi buxgalteriya hisobini yuritish usullariga ham sezilarli taʼsir koʻrsatmoqda. Ayniqsa, ish haqi hisobini avtomatlashtirish zamonaviy buxgalteriya dasturlarining eng muhim funksional yoʻnalishlaridan biri hisoblanadi. Anʼanaviy qoʻlda yuritiladigan ish haqi hisobi koʻp vaqt talab qilishi, xatoliklarga moyilligi va qonunchilikdagi oʻzgarishlarga tez moslasha olmasligi bilan ajralib turadi. Shu bois, zamonaviy buxgalteriya dasturlarida ish haqi hisobini yuritishning afzalliklarini oʻrganish dolzarb ahamiyat kasb etadi.

Asosiy qism. Moliyaviy bozorlar juda tez oʻzgarayotgan bir davrda, buxgalterlik firmalari raqobatbardosh boʻlib qolish uchun har bir texnologik vositadan foydalanganlari maʼqul. Shundan biri — zamonaviy ish haqi dasturi boʻlib, u oxirgi yillarda ish haqi hisobini yuritish usullarini tubdan oʻzgartirdi. Bu texnologiya buxgalterlik firmalariga ish haqi hisobini yuritishda samaradorlik, aniqlik va mijozlar qoniqishini sezilarli darajada oshirishga yordam beradi. Zamonaviy buxgalteriya dasturlarida ish haqi hisobini yuritishning 7 ta asosiy afzalliklarini sanab oʻtsak, bular:

1. Zamonaviy buxgalteriya dasturlari — xususan ish haqi modullari — hisob-kitob jarayonlarini avtomatik ravishda bajaradi, bu esa inson omili tufayli yuzaga keladigan xatoliklarni sezilarli darajada kamaytiradi. Avtomatik tizimlar moliyaviy operatsiyalarni tezkor qayd etishi, hisob hujjatlarini aniq shakllantirishi va hisobotlarni avtomatik tarzda tayyorlashi mumkin, bu esa umumiy ishlash samaradorligini oshiradi.
2. Bu turdagi dastur boshqa buxgalteriya vositalari bilan uzviy bogʻlanadi, natijada maʼlumotlarni qayta kiritishning hojati qolmaydi va moliyaviy maʼlumotlar har doim yangilangan boʻladi.
3. Hukumatning qonunlari va meʼyoriy talablariga moslashni taʼminlaydi. Soliq va mehnat qonunlari tez oʻzgaradi. Zamonaviy ish haqi dasturlari soliq stavkalari va mehnat qonunlaridagi oʻzgarishlarni avtomatik kuzatadi va muntazam yangilaydi, shuning uchun firmalar qonuniy xatolarga yoʻl qoʻymaydi.

4. Ma'lumotlarning xavfsizligini oshiradi. Bulutli va integratsiyalashgan buxgalteriya dasturlari shifrlash, parol va ruxsat darajalari orqali ish haqi bilan bog'liq ma'lumotlarning xavfsizligini ta'minlab, ularni markazlashgan holda saqlash va masofadan boshqarish imkoniyatini yaratadi. Bu ayniqsa yirik va hududiy filiallarga ega tashkilotlar uchun muhim hisoblanadi.

5. Ish haqi jarayonini to'liq avtomatlashtiradi. Ish haqi, ustamalar, mukofotlar, jarimalar, soliq va ijtimoiy ajratmalar yagona tizimda hisoblanadi. Bu ish jarayonini soddalashtiradi va tizimli boshqaruvni ta'minlaydi.

6. Moliyaviy jarimalardan qochishga yordam beradi. To'g'ri va o'z vaqtida hisoblangan ish haqi soliq jarimalaridan saqlanishga yordam beradi, chunki noto'g'ri hisoblardan kelib chiqadigan moliyaviy jazolardan himoya qiladi.

7. Xodimlar bilan hisob-kitobda shaffoflikni ta'minlaydi. Xodimlar o'z ish haqi varaqalari (расчетный лист)ni elektron ko'rish imkoniyatiga ega bo'ladi. Bu ishonchni oshiradi va kelishmovchiliklarni kamaytiradi.

8. Boshqaruv qarorlarini qo'llab-quvvatlash. Raqamli buxgalteriya hisoblari — xususan ish haqi bo'yicha batafsil hisobotlar, tahliliy grafiklar va moliyaviy ko'rsatkichlarni elektron ma'lumotlar bazalarida saqlanadi va real vaqt rejimida yangilanadi. Bu yondashuv nafaqat hisobotlarni va tahlillarni tezroq tayyorlashga yordam beradi, balki noaniqliklar va xatoliklarni oldini oladi. Bu rahbariyatga samarali boshqaruv qarorlarini qabul qilishda yordam beradi, xususan, budjet rejalashtirish, xarajatlarni nazorat qilish va korxona samaradorligini oshirish bo'yicha strategiyalarni ishlab chiqishda muhim rol o'ynaydi.

Xulosa. Kompyuterlashtirilgan buxgalteriya hisobini yuritish tizimi (avtomatlashtirilgan zamonaviy buxgalteriya dasturlari) buxgalteriya hisobini raqamli texnologiyalarga transformatsiya qilishning samarali vositasi hisoblanadi. Ushbu dasturlar korxonalarda sodir bo'ladigan iqtisodiy axborotlarni qayd etishdan boshlab, to buxgalteriya hisobotlarini tayyorlash va topshirishgacha bo'lgan jarayonlarni avtomatlashtirish vazifasini bajaradi. Operatsiyalarning tezligi va aniqligi buxgalteriya dasturining asosiy belgilaridir. Chunki dasturlar bir vaqtning o'zida minglab ko'rsatkichlarni saqlashi va hisoblashi mumkin.

Ish haqi dasturlari — bu nafaqat oylik hisoblashni avtomatlashtiradigan vosita, balki biznes jarayonlarini soddalashtiradigan, xatoliklarni kamaytiradigan, qonun talablari bilan doimo mos bo'lishni ta'minlaydigan va xodimlarning qoniqishini oshiradigan kuchli tizimdir. Ular kichik biznesdan tortib yirik korxonalargacha har qanday tashkilot uchun juda foydalidir.

Foydalanilgan adabiyotlar ro'yxati:

1. Why Modern Payroll Software is a Game-Changer for Accounting Firms – European Business Review maqolasi.
2. Benefits of Payroll Software: 12 Key Advantages | WebHR
3. Development of a Cloud-Based Payroll Management System
4. "Byudjet tashkilotlarida buxgalteriya hisobi avtomatlashtirilgan tizimi"
Suyarov Akram Musayevich, M.I. Isoqulova. Pedagoglar jurnali 85-son 3-to'plam;
5. Алимova, Н. М. (2021). Buxgalteriya hisobida raqamli texnologiyalarning roli. Tashkent: Ilm-Nashr.
6. Karimov, S., & Usmonov, J. (2023). Zamonaviy buxgalteriya tizimlari va ularning ish haqi hisobiga ta'siri. Moliyaviy tahlil va hisobot, 12(4), 45–58.